



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Poemata Ferdinandi Episcopi Monasteriensis Et
Paderbornensis, S. R. I. Principis, Comitis Pyrmontani,
Liberi Baronis De Furstenberg**

Ferdinand <Paderborn, Bischof, II.>

Parisiis, 1684

Ad Eundem.

urn:nbn:de:hbz:466:1-7748

Longius extendant famam NATALIS in ævum,
 Quam tua Mæoniæ proxima Musa tubæ.
 At mihi, cui tantum non concessere Camenæ,
 Ut canerem paribus grandia facta modis,
 Sat fuerit gelidis extrema deditse labellis
 Oscula, & exangues imbre rigasse genas;
 Sat fugientem animam fato legisse supremo,
 Et clausisse pia lumina cara manu;
 Sat tumulum lauri foliis ornare quotannis,
 Et cineri multa solvere justa prece.

AD EUNDÆM.

Inique artem poetam viris nobilibus vitio dari.

OCui victurum dictat Polyhymnia carmen,
 Sæpe fides digitis tendere visa tuas:
 Pone lyram, Augustine, licet te vate superbus
 Cessurum Calabro se neget esse Ligur.
 Phœbeos arcus, tutandis arma Camenis
 Poscimus: hæc nostri temporis arma cape.
 Ecce novum tumidoque gravem Pythona veneno
 Horret Apollineis dedita turba sacris.
 Ipsum etiam qui Pindi aditum, Phœbique recessus
 Occupat, inque sacrum nos vetat ire nemus.
Quid moror, & ficto dubium te carmine duco?
 Ah nimis ex vero nostra querela venit!
 Livor edax Python, Python inscitia rerum:
 Hæc vates dictis mordet, & ille suis.

E ij

36 FERDINANDI EPISCOPI MONASTER.

Non capit ingenio, quæ dente laceffit iniquo
Carmina, nobilibus ceu minus apta viris.

O quoties dixi: Quid carmen & otia vatum
Arguis, & solo stirpis honore tumes?

O quoties: Si fama tibi, si gloria curæ est,
Cur non & vatis te quoque cura subit?

Seu placet antiqua deductus origine sanguis,
Antiqui seriem sanguinis ille canet.

Seu caperis positis fumosa per atria ceris,
Ornabit ceris atria lata tuis.

Addet & his proavum titulos, & carmine dicet
Quot tulerint palmas, quasque, quibusque
modis.

Addet & his vocem: picturas ille loquentes
Finget, & his animos ingeniumque dabit.

Quid? quod habent sua cum superis commercia
vates,

Quique illos agitat spiritus, inde venit?

Quid? quod honoratos memorant ex ordine reges
Auratam digitis increpuisse lyram?

Creditur Amramides, nihil est illustrius illo,
Isacidis carmen præcinuisse suis.

Carmen erat populus, cui Mempheos arma timenti
Ipse Deus facilem straverat ante viam.

Iverat & montes inter securus aquarum:
Tanta fides pelagi diffilientis erat.

Obruerat regem fluctu gravis unda refuso:
Tanta fides pelagi mox coëuntis erat.

Ibat Erythræas Mareotica gaza per undas,
 Et fracti currus, & juga vulsa rotis.
 Qui miseros regni casus luētusque referret,
 Hausta que tot pelago millia, nullus erat.
 Omnia quæ populus, populum præcunte poëta,
 Audiit, & paribus rettulit inde modis.
 At nunc quæ subito strepuit lyra! me mihi totum
 Surripit, & superis inserit ipsa chorus.
 Jeſſide, ſalve regum, ſalve optime vatuum,
 Sive lyram, docta ſeu geris arma manu.
 Militiæne prius mirer, cantusne ſcientem?
 Par utroque tibi nomine conſtat honor.
 Queis ego te regem componere regibus auſim?
 Nil potuit regno ſanctius eſſe tuo.
 Queis ego te vatem componere vatibus auſim?
 Nil potuit plectro dulcius eſſe tuo.
 Luce tibi ſonuere tubæ: lyra nocte canebat,
 Victorique Deo carmine gratus eras.
 Et modo ſtrata tuis, modo fletibus ara madebat:
 Et modo te tarda Musa levabat humo.
 Sancte velis mihi te facilem præbere canenti,
 Et vates vati dexter adeffe tuo.
 Si non me tecum fas eſt excedere terris,
 Nec mea me ſupra ſidera Musa levat;
 At placare tuo fas fit mihi Numina cantu:
 Hac, precor, hac liceat te mihi parte sequi.
 Talia cantabant afflati numine vates,
 Otia poſt pugnas cum ſibi iuſta dabant.

E iij

38 FERDINANDI EPISCOPI MONASTER.
Et quisquam, sit dives opum, sit clarus avito
Sanguine, tanta neget nomina pone sequi?
Et leve nescio quid, quod tantum tempora fallat,
Esse putet, doctæ carmina mentis opus?
Ille ego sim, qui, dum Pindi sedet arduus arce,
URBANI sacris oscula dem pedibus.
Ille ego sim, qui CHISIADÆ juvenilia dicar
Otia parte aliqua posse referre meis.
Nec mihi quis, si castra vocant, neget artibus illis
Esse aliquem litoris inter & arma locum.
Tunc erat, extremum Macedo cum subderet
orbem,
Et captis Ganges mollier iret aquis.
Tunc erat, Iliadem caperet cum lectus & enssem,
Qui custos Musis esset, Homere, tuis.
Scipiade, tibi jugis erat comes Ennius: idem
Emeruit tumulo proximus esse tuo.
Cæsar in adversos cum fulminis instar Iberos
Tenderet, ipse suum carmine lusit iter.
Ajacem nobis invidit spongia: dextra
Occidit Augusti fixus, ut ipse sua.
Secula, cur sileam? vates quoque nostra tulerunt,
Imperio populos qui tenuere suo.
Cæsareæ studuit Phœbeam nocte laurum
Primus ab Austriacis Maximilianus avis.
Summos summa juvant: res est quoque summa
poësis:
Et qui digna gerunt carmine, carmen amant.